

明

詩

紀

事

明詩紀事

貴陽陳田輯



徐石麒十首

石麒字寶齡青浦籍嘉興人天啟壬戌進士除工部
主事以忤魏忠賢削籍崇禎初起南禮部主事就遷
吏部郎中歷尙寶卿應天府丞召拜左通政遷光祿
卿通政使擢刑部侍郎進尙書落職閒住福王立召
拜右都御史未任改吏部尙書馳驛歸加太子太保
嘉興城破朝服自縊死魯王監國贈太傅謚忠襄乾
隆中賜謚忠懿有可經堂集十二卷

南雷文定崇禎末大臣爲海內所屬望以其進退
天下之安危者劉蕺山黃漳海范吳橋李苦水倪始
甯徐雋李屈指六人北都之變范李倪三公攀龍鬪
上升則君亡與亡蕺山漳海雋李在林下不與其雜
而次第致命蕺山以餓死漳海以兵死雋李以自繫
死則國亡與亡所謂一代之斗極也

自靖錄刑部尚書徐石麒以輕擬行人司副熊開
禮科給事中姜塤兩諫臣罪忤上意冠帶閒住鄉出
雍梁臨風懷伊摯秉秉耕莘疇遠抱唐虞志一民不時
尊龍頭親簡置既窮太乙奇復發鵠寶秘早晚宜相
省汲書失聖意投荒分所宜而況僞播棄勞如囂暮
蘊題扇以相遺頓令松柏心白首欲自捐乙酉閏六
月嘉興城陷石麒公服漱拜自縊於可經堂袖有遺
旋揚鑾輿遜去歲含哀忍死赴召秉從自謂盡忠
未安王畿再破慨都會之賴被痛士女之傷殘力
皇廟是仰報先帝豈圖歸田不久國難頻仍于野

歌姦不來兮傷如何

寤言二首

昆臺初息鬪投策方嬉遊四方生羨心一旦叛數州絕響始再頓解冕爲兜鍪中身五十載甫有甯諸侯至治安可常至道安可求刈覓逃爪牙玄珠如浮漚所重天明功未寒先庀裘大君無吉凶日月靡所諭靜正持乾綱四海生春柔

崇邱多曾薪洞川多曾鱗君子秉虛沖四顧多瑋人重華爲魚販七友皆嶧嶢尙有州支公及於石蒲民貧窮無禮樂討論何所陳日月自週天眼耳生其身救世非庸流厯艱苦不親華貫十六賢聊爲纏與麟負輶登長途胼胝知苦辛

責躬二首

天地何高深日月相循環星宿陳其顛動靜恆無端舉翼不能翔而作醯蟻觀大命一以至不復能研鑽鬼神欲告之翕吸近若難傷哉草木頽不得留朱顏

好道不入微閑物不至細影響自相答杳然無所繫大易重存身春秋本大義詩人多微思委宛出至意草草一世間遂爲梯與秕江漢下明河忽已失所恃

寄別臥子兼懷鴻寶

紹興使君萬斛珠隨風飛灑千流蘇文章經濟各大雅出之我口甯爲訣雲門蘭亭坐親切鶴子下堂啄碧雪客棹不敢閒移遊猶請老翁看五洩天下水無匡廬奇雁蕩無聲差勝之五洩壯險不可及安能過於倪公詩倪公與余最相契一

字動有千峰勢每頤使君明日清童賈蘇韓失位置我行當
過三閭江若耶溪情橫相縱迂回二千三百里不顧白璧黃
金雙使君偶來再夜坐剗舟如鞋載白墮不知身在省井中
恍惚槎從銀漢渡倪公抱我如抱鷄五年兩過靈峰西一夕
折杖各分去無情潮到難爲曉聽君微談動四壁倪公新詩
在小冊匡廬水瀑雁蕩漸五洩奇觀走辟易只今天下多風
塵明州山水清絕倫褰帷帶星亦閒暇蘭檠挂檻搖青春老
翁西去洞庭水不著些涎弔屈子不死還來此中遊櫻園竹
杖報知已

偶成

人情貴逸豫物外卽滄洲其奈人間世難從物外遊鶴歸松

于老雲澹琪花秋惟有畫梁燕呢喃春序留

入都知敵在濠水援師星散未集京營挑選不具諸帥
顧望無建斷後之策者再疏將上輒而稱詩

白馬烏桓道令支突騎來書生非不武債帥安能材乘障狹
山心誓舊張孟哀誰當千里骨塊殺築金臺

將發石城而楊機部適至

何嘗忘世事初不負君恩薇蕨青山路菰蒲自板門貧窮生
覺好放浪老難諭彭蠡舊相送塞裳涕尙存

西廬西北數間爲一周諸公畢命之處

昭代多君子清流此再清豈關門戶事動使鬼神驚逆命扶
中葉同游璨九京傳看芝草蹟鐘鼎羽毛輕

次文供奉啟美扇頭韻

窄窄柴門淺淺苔碧煙深鎖待君開借來月色能留客賒得
山居好種梅薊北烽煙頻入夢江南雲氣好登臺明年此日
俱無恙再向山根醉幾迴

橋頭

經行十九年前地一樣冬風吹鬢枯勒馬徘徊尋舊迹石橋
楊柳幾株株

徐爾穀 一首

爾穀字似之嘉興人石麒嗣子國子監生坐事被逮
死白門有畫水草堂詩稿

楊陸榮穀頑錄順治丁亥爾穀率眾持糧依吳勝兆於松江事敗死妻孫氏聞爾穀死自投於河死而不

丙戌夜坐

萬籟劃然起淒淒中夜聲鐘鳴秋在寺月出雁橫城簫鼓當
年夢琴書此夕情莫嫌山鬼泣白首盡佳兵

夏允彝

一首

允彝字彝仲松江華亭人崇禎丁丑進士除長樂知
縣福王立起吏部主事南都失守自投池水死唐王
時贈右中允謚文忠乾隆中賜謚忠節

自靖錄彝仲聞國變賦絕命詞云少承父訓長荷國
恩盡心報國矢以忠貞南都既覆猶望中興杳
然何忍長存卓哉吾友虞求旣成勿容如子才蘊
生願言從之握手九京人孰無死不泯此心修身俟
命欲勵後人

靜志居詩話幾社六子暖公以經義見長詩非專尙

然其撰長樂志境有孝子節操必賦詩以旌之集中樂府未嘗不合古人也野史述瑗公授命在乙酉五月第集有練川五哀詩練川城潰乃是年七月五日暖公尙存則止水之投當是松江失守之日爾

練川五哀詩錄一

侯京兆峒曾

烈烈侯夫子負節本奇特十載罷郎官抗志眾莫測西江富文彥衡鑒饒奇識三復陟屺詩解組依親側砂礫揚中天青靄暗無色壘壘榮陽城糾糾壘翟力環塹方及泉子魚殉社稷公語兩子前生死義各得兩子泣相從之死矢靡懼外絕晉衛旅內竭鼠雀食重關泣漣漣屠毀墳荆棘壯哉一門士九京同羽翼所惜蘭蕙摧沈寢成罔極

夏完淳十一首

完濟字存古松江華亭人主事允彝子諸生唐王遜授中書舍人事洩被執不屈死乾隆中賜謚節愍

有玉樊堂集南冠草

李延是南吳舊詣夏存古十餘歲陳臥子適訪其父存古出拜案頭有世說臥子閭之間曰諸葛靄逃於廁中終不見晉世祖而稽紹竟死蕩陰之役何以忠孝殊途存古拱手對曰此時當計出處苟憶願日影而彈琴自當與諸葛爲侶臥子歎曰君言先得吾心者

明詩綜鍾廣漢云陳太傅選明詩存古年紀十餘爾而宋贛文援其論詩以作序此時已許其作後進領袖矣迨十五從軍十七授命磨盾革檄不異老生宿儒信異稟矣
靜志居詩話存古南陽知二江夏無雙束髮從軍死爲毅魄其大哀一賦足敵蘭成昔終童未聞善賦汪踦不見能文方之古人殆難其匹
闕氏成仁錄夏完濟年十六從師陳子龍起兵太湖道父遺命盡以家產餉軍子龍戰敗完濟走吳易軍爲參謀被執至留都經畧洪承疇欲寬釋之謬曰童

予何知豈能稱兵叛逆誤墮賊中耳歸順當不失官
完淳厲聲曰我嘗聞亨九先生本朝人傑松山杏山
之戰血濺章渠先皇帝震悼卹感動華夷吾常慕
其忠烈年雖少殺身報國豈可以議之左右日上座
者卽洪經畧完淳叱之曰亨九先生死王事已久天
下莫不聞之曾經御察七壇天子親臨淚滿龍顏聾
臣嗚咽汝何等逆徒敢僞託其名以汚忠魄因躍起
奮罵不已承憐色沮無以應時完淳婦翁職方司主
事錢旂同在訊氣稍不振完淳厲聲曰當日者公與
督師陳公子龍及完淳三人同時歿血上啟國主爲
江南舉義之倡江南人莫不踴躍今與公慷慨同死
以見陳公於地下豈不亦奇偉大丈夫哉梅遂不屈
與完淳同死

明詩別裁存古詩高古罕匹

田按存古詩趨步陳洪門年僅十七當其合作與黃
門並難高下赴義之時語氣縱橫淋漓之令人悲
歌起舞

哀侯納言

峒曾

忠烈簡邁姿淡然青雲志三鳳齊雌鳴脩羽拂雲際孤城戰

苦時日落鼓聲死始知朝陽禽亦復秋颯厲六翮鏗不垂靈
風滿天地興懷慕義旅言灑西州淚

贈廣武申大孚孟

君家漳水邊意氣冠河朔英爽殊不倫酒酣高歌作易水白
日寒千秋事蕭索慷慨希古人璠璵隱藜藿棄家游江干裘
馬盛揮霍天紀闇不章棲棲靡有托行行東南征舒此伯王
畧出門成侯王閉戶死溝壑覩茲乘風便始信無家樂

故宮作

胡登建康城暮宿丹陽道黃塵落日大江流紫陌微寒故宮
草故宮煙雨動新愁華屋參差成古邱當時羅綺三千戶何
處鶯花十二樓六代繁華如在眼真龍不動河山轉春光漂

渺景陽宮月色徘徊芳樂苑細雨深宮花落遲輕風合殿香
飄遠花香十里到平康莫愁歌舞冶遊郎俠少盡騎青絡馬
交遊爭繫紫羅囊鶯鶯兩兩芙蓉沼鸚鵡雙雙玳瑁梁一朝
景物如反掌富貴風流竟長往元武池邊暮雨來朱雀門前
春草長美女琵琶塞上行綺構連雲空復情行人夜雨烏衣
巷歸雁秋風白下城登臨千載空回首陳井梁宮竟誰有遊
鹿爭銜上苑花流鶯自鴟臺城柳臺城下接孝陵西無限枝
頭烏夜唳楊花風起過江去薄暮如煙滿大堤

放歌贈吳錦斐兼訊武林諸同志

天風一吹海波立錢塘東去錦湍急片片春帆細雨中西冷
曉發西興入憶昔當年遊武林布帆絲纜清江深畫船簫鼓

臥涼月朱樓煙霧生秋陰此時年纔五六許但覓梨棗未解語便知天下有吳生西陵花月風騷主先公風表漢三君朱履三千畫埽門逢人便下南州榻滿座還聞北海尊吳生此時席中見十載神交空半面援筆千言凌紫霞元龍湖海人美那知一別三年來闐闐不知生塵埃荆榛古殿銅駝卧弓劍荒陵金雁哀抱石千秋葬魚腹王襄泣血羊羣哭曆簫猶解問夷門衣冠半亡更胡服風塵相遇客爲家齊拂雙龍劍上花埋名同隱曆羊肆忍死須臾博浪沙華堂明燭良宵會金樽斗酒離人醉醉裏論心敢放歌夢中分手還流淚幾回憑弔舊山河形勝蕭條可奈何伍胥祠前暮湖滿蘇小墓邊秋草多鳴呼陸郎玉樹埋黃土小陸風流隱曆賈生賣

藥不二價徐子披裘懸五羖君歸有語幸相傳忘憂長向酒
家眠今年白社相招處回首黃墟竟惘然悲歌卻話先朝事
抗眉休負生平志乘風一尋倉海君歸來訪汝吳門市

得漱廣訃

忽得胥塘訃傷心自白頭龍蛇千古夜猿鶴萬山秋闊亂劉
琨恥招魂宋玉愁無情天目水不解向西流

寶帶稿

連天青草青極浦獨揚舲歸雁舟前落愁人夢裏聽花光明
曉霧波影亂春星欲訪威靈穴孤帆入洞庭

秋夜感懷

登樓送北望沙草沒寒汀月湧長江白雲連大海青征鴻非

故國橫笛起新亭無限悲歌意茫茫帝子靈

元日大霧

漠漠蒼龍闕黃雲迴不收去年今日事此地昔人愁鳥雀朝
三殿風塵辨九州扶桑新氣象玉冕拜通侯

春興同錢大作

上苑東風試早鶯故宮依舊百花明江帆入鏡移瓜步敵馬
如雲走石城金鼓平陵檣瞿義旌旗滄海葬田橫傷心中夜
看牛斗醉把吳鉤萬里行

四月七日寄研德武功叔姪去年此夕與二子步月新
堤得屈平卜宅之句不竟成先文忠之識

園林入夏雨模糊寂寞青門恨早孤雲水相從新白社河山

如隔舊黃墟亡秦猶有張公子哀郢誰憐屈大夫重到竹林
尋二阮風流還似去年無

寒食同錢二不識賦

親朋亂後幾人存湖海交情酒後論今古文章多薄命江關
詞賦半招魂王孫一飯誰知已漂母千金敢報恩曾作信陵
珠履客幾回慟哭大梁門

眭明永

一首

明永字嵩年丹陽人崇禎壬午舉人除華亭教諭城
陷被執不屈死有世經堂集

自靖錄乙酉八月大清兵至明永集諸生申說大
義歎曰吾儒臣也老而無能世受國恩有死而已移
家人於郊外而獨居學宮作書貽子諸生本日我本
小臣可以無死然我不能生者平日以節義自命兼

之賦生耿直觸境輒動且我之命名實先人深意今
豈能委父命於草莽變生平爲兩截人乎殺身成仁
乃所至願雖父子之情不能顧也城陷處分家事畢
服朝服拜廟題絕命詞於明倫堂自縊繩斷投泮池

復救起被執不屈死曲阿詩綜嵩年先生書具體鍾繇草書尤獨步一代

七夕

機械紛紛可奈何憑誰隻手挽江河無人不向天孫乞莫與
人間巧太多

睡本

一首

本字允立丹陽人教諭明永子諸生坐事死有務畧

集

曲阿詩綜允立永厯時以中書召事發自縊絕命詞
云父旣死忠子當死孝子載而下不愧名教與同邑
賀王盛同殉節

病中作

殘暑侵深病蟹蟹側柳鳴月臨書榻影風裂紙窗聲酒爲多
愁減詩因無寐成此時身不有何物可關情

黃淳耀

十九首

淳耀初名金耀字蘊生蘇州嘉定人崇禎癸未進士
家居城陷自縊於清涼菴乾隆中賜謚忠節有陶

菴集二十二卷

四庫總目淳耀湛深經術刻意學古能以躬行實踐爲務毅然不爲榮利所撓如吾師自監諸錄皆其早年所訂論學之語趨向極其醇正而平易可近絕無黨同伐異之風足以見其所得之遠文章和平溫厚矩獲先民詩亦渾雅天成絕無儔響於王李鍾譚餘派去之惟恐若況可謂矯然拔俗卒之致命成仁垂芳百世卓然不愧其生平可以知其立言之有本矣自監錄近之爲詩者承李何七子之弊或變而之郊

島或變而之宋元隕怪誕無所不至而竟陵二子
起而矯之學之者復將至於爲繫爲俚如唐之沈千
通孟雲卿其人已不可得况進而之李杜耶
自靖錄嘉定縣鄉紳黃清耀破家結客同侯會
岐曾等率縣民守城城破慨然呼曰嵇髡讀書有
年矣死無以報高皇帝烈皇帝惜其弟臣諸生淵耀
字偉恭者至西清涼菴清耀埽壁題曰宏光元年七月
月初四日遺臣黃清耀自裁於西城僧舍嗚呼進不能
能宣力皇朝退不能潔身草野讀書真益學道無成
耿耿不寐此心而已僧五止之日公未仕可勿死也
清耀日城亡與亡此儒臣分內事耳同弟自經死
詩觀三集陶菴先生理學史論皆據上流詩諸體咸
精風格獨老邇際滄桑身騎箕尾高風峻節尤堪俎
豆于秋靜志居詩話陶菴詩堅厚無櫺譽由不惑於楚人之
咻然也

田按歸季思以陶菴名集黃公亦以陶菴名集二人
古詩皆擬陶然歸詩真率黃詩俊爽又各不同大抵
豈徒有忘世之意黃有用世之意遭時多難殉節成仁
豈以詩人自命耶

和陶九日閒居

癸未九日寓京邸和寄偉恭及諸親舊

羈心如秋草方枯已旋生良辰過我前端憂乃無名厲厲驚
颺嚴皚皚山雪明朔雁流寒影邊鞞動悲聲古之豪俊人感
此多促齡我獨胡爲爾樽開且徐傾平吟懷惠連默對思公
榮知音不在側何以訴中情願爲雙飛鴻羽翼不可成

和陶詠貧士

落花墜茵席其半隨飛蓬繫豈賦命殊無心成化工絳灌排
賈生何俟薦兩冀得失自在彼屈伸將無同默思塞翁旨固
窮亦有通逃富豈情歟執鞭未可從

和陶雜詩

刲風吹南山化作海底塵四大互騰轉忽然有吾身狂馳百
年中擾擾分怨親豈知冰炭懷靜與虛空鄰有生會歸盡有

古金石 十
夜會嚮晨星燈兩竈幻吾將問化人

夸者爭榮名幾人能至老孔翠傷其尾明膏不自保中台星
未坼金谷酒將燥此時囊橐去豈非見幾早咄哉彼蟻蠅九
糞死猶抱相牽入禍門歎息復何道

高人夏仲御木石隱會稽兒撫賈太尉拂衣歸蒼崖阮公稱
曠達奇志寓詠懷竟造九錫文此穢天可彌君子終日行不
使輜重離應龍潛立闕曷識翦與羈竈乎飄風旋不消還不
虧

詠史

三首

鸞鷟常特棲驥駿辭服箱古來俊傑人不在亡主堂六國昔
崩分豈無賢與良青蠅飛竿旌謾妾踞瑤房屈原旣放逐楚

事以佞性信陵見猜疑蛙鼴遊大梁悠悠狡童心仁義愁我
腸逝言空國都啖食恣虎狼往車有折軸後駕宜周防願迴
目曉智一爲辨圓方

季子過洛陽買臣懷會稽當時路人心盡是嫂與妻勢利散
鴻濶陰權生禍梯達心亮先見寧識至今迷上蔡犬可牽牽
之若龍驤華亭鶴可聽聽之若天鵠

猛虎踐機牙剗屠在鸞刀須臾決蹠去百夫不敢要伯慎固
名士義真亦人豪持節臨中州奮劍清黃妖仲穎小堅子殺
之如燎毛時來生猶豫事往空鬱陶一變萬歲鴟再變當塗

高

次韻和東坡岐亭詩

并引

錄三

坡公岐亭詩五首其二首爲陳季常戒殺而作近代
和者頗多友兄張子灝語余曰子姑現老齋公身而
爲說法余勉應其意如坡公之數

罟師貪得魚不惜魚化汁屠伯怙殺牛不見牛眼濕嗟彼殺
業多所以遭汝得彼債旣已償汝憂差獨急微性憐朱朱愚
仁赦鳴鴨三品戒庖廚百遵謝巾羃獸炭與松明入爐平等
赤象髓與菲菹入喉平等白深坐不橫參大歡不洿情敢邀
天公憐庶免佛子泣靜念古賢人飢驅食常缺今我餘草蔬
猶堪餉嘉客推此告同心暴殄非雅集

昔有愚小兒垂死思肉汁世人與彼同談食口常溼大罰方
後驅無肴汝猶得胡然一响甘易此八難急列柵囚雞豚排

蠶蓼鵝鳴驅驅黑業中何由發其羈我喜周生廚推盤蒸蓼
赤我念隋帝庖剖蛤毫光白爲生雖有累如僧但加幘爲帝
苟推心何異下車泣所嗟願力微不救世界缺鸞刀啟蒸嘗
折俎供賓客大哉食時觀觀彼諸苦集

嘗酌醍醐漿不食鮮鹽汁嘗挹朝夕池不戀涔臚溼五戒空
外空十善得無得放者尙云非殺者獨何急惜蟲翻搏雞絞
羣因飯鴨頸倒生愛憎何異蟹行燭今人遇勞瞪目眩成紫
赤及其視根還惟餘鼻端白唇茲空萬緣如風墮輕幘無生
自無殺無笑自無泣大明懸三光不照諸陷缺殺心如一塵
眾塵合爲客暴然冰釋時酒肆許汝集

偕子宣子灝啟霖德符入西山看梅

巖洞有嘉名躋攀生崎嶇相顧儻侶間清冰戛眉鬢樂幽未
云遠歷險良已愚稽首告山英留我雲一區

夜泛鴛湖

積水月涓涓月斜舟稍前歸漁搖艇火宿鴛定湖天遙指塔
相對暗尋花滿煙峯巒無一點吾醉獨陶然

曉鏡塘江

伍公亭夷去鐵筆畫錦空英雄如昨日陵谷自春風白鳥沈
煙外蒼山立雨中布帆輕轉怒長嘶對魚龍

泊舟

單舸時時泊浮雲故故長浪兼見拍岸風引燕迴檣穀雨罷
收艾田歌聞種秧江南好風景留眼看吾鄉

白日

白日公然瘦青天不復高頽垣無鼠立廢壘有狐嗥亂過民
生賤兵殘賊勢牢遺黎相對語毛髮尙騷騷

歲暮閒居

風破林坰野望長故人小隱在寒塘貧來蹤迹如溪友老去
詩篇似漫郎大布每繩諸弟被天吳近坼小兒裳何時買宅
成鄰並十畝春陰共課桑

送張子石再遊江右

江介鶯花自接連峭帆何處認歸船瀧分上下元同厯月照
悲歡已再圓孤肪雨聲溫昔夢高樓春思入新篇憑君莫憶
離羣者慚負匡廬又一年

卷之三
三
京邸送龔智淵南歸

書劍偕君客上京還憐客裏送君行梟盧得失元無據雨雪
雱涼共表情關出穆陵黃葉暗驛逢清口白波明新詩好爲
題茅店我到應知隔幾程

黃淵耀

二首

淵耀字偉恭進士湻耀弟諸生與湻耀同殉節有詩

一卷

秋水

交秋溪水清厯厯見其底木葉何紛紛白石復齒齒靜言尋
其幽蕭蕭雜葭葦水鳥衝人飛遊魚銜藻起遙聞漁者歌前
溪暮霞紫

春閨

春衣繡簾花氣滿暗風梳草綠短短嚦鶯破曉驚妾心金鈴
香沈畫衣緩侍姿勻脂催曉粧鏡中煙柳彈肩黃描罷雙蛾
爲誰好碎破銅片打鶯鶯

侯峒曾

二首

峒曾字豫瞻蘇州嘉定人天啟乙丑進士除南兵部
主事改吏部厯郎中出爲江西副使進廣東參政改
浙江遷順天府丞福王立除左通政家居起兵城陷
赴水死唐王時贈禮部尙書謚文忠乾隆中賜謚
忠節有內言公集

自靖錄崇禎甲申峒曾擢順天府丞未赴留都再造
除左通政乙酉方屏跡深鄉邑人推其起兵入城同

諸大家集義勇固守孤城散家財以給軍屢戰勝外
援絕勢不支城將陷急辭家廟赴池水死幼妹適太
學生金德開者適歸甯偕兄死於池第三子元演五
子元潔俱同六子元靜亡命爲僧弟岐曾太學生踰
年復爲松江陳子龍亡命疑岐曾匿之執至松江不
屈死母龔太恭入贈太常少卿震陽妻也前謂子峒
曾曰汝父子受國恩當以身許國勿以我爲念及岐
曾被執母語之曰我昔欲爲卜壹母今甯不能爲孔
融母乎從容赴池水死岐曾妾劉氏次子元洵妻夏
氏考功允葬女也元演妻姚氏元潔妻龔氏元潔聘
妻盛氏韞真共築巖寒亭以居並守節三十餘年先
後卒

宿濠梁驛

淮南殘暑退連夕起秋風崗嶺青霄上
邱墟黃葉中未晡投古驛無寐聽疏鐘
塵境心逾寂吾將蒙叟同

胸菴枉和除夕詩疊韻再呈

顧此茫茫集百端水窮山盡又年殘枯蜩祇合終粘壁威鳳

何當亦斂翰此夜送窮文字懶常年餞飴酒杯寬天公亟報
陽和轉預有東風散曉寒

侯岐曾

一首

岐曾字雍瞻通政岐曾弟嘉定縣學生以陳子龍事
被執不屈死門人私謚文節先生

自靖錄岐曾丙戌十月十三日有追哭亡兄峒曾殉
節詩云吾兄志氣古人追萬旅雲從建義旗赤手銀
河非易事丹心碧血豈求知玉音競說從天降金版
應麟出地悲莫向春風夢春草江家池豈謝家池

九日寓鹿城登山和蘊生

蕭瑟塵中鬢崢嶸物外心人煙知令節吾意足幽尋碧澗爭
穿石朱霞漸纖林歸披雲月晚餘興若爲深

侯玄演

二首

立演字幾道通政峒曾子與峒曾同死

樓雨

暮雨南樓獨聽鐘綠窗無事掩燈紅身如燕壘能安土情似
花幡欲受風試煖衣篝香熨帖待晴衙鼓響喧囁何心更說
江南樂眼底煙林似夢中

六月十四夜

踏海何當學鶴連奉親儻許託山田瀛飛風景驚烏鵲感激
心情泣杜鵑一代文章傷節義百年鄉井愧生全誰知此夜
青天好鬼出殤號月正圓

王與肩

二首

與肩字永錫一字百斯濟南新城人崇禎戊辰進士

選庶吉士改湖廣道御史以言事左遷光祿寺署正告歸甲申聞京師陷暨妻子登樓自經死乾隆中

賜謚節愍有隴首集

靜志居詩評新城王氏科第最盛盡節死者亦最多崇禎五年吳橋兵變南趨時則保定同知象復暨其子與薦死焉十五年城再破時則貢生與明暨其子舉人土熊生員士雅死焉至是侍御贊妻子氏子士和又死焉王氏之門才甲一世矣

漁洋詩話先世父侍御府君與贈崇正中以劾總兵官鄧琨忤時相罷歸甲申聞國難閩門自經南城陳璣錄其詩與雁門孫白谷鮑曲黃海岸鈴岡袁臨侯合刻之爲四忠詩錢忠伯贊之曰遺音危苦孤桐玉律吟龍夏石梵磼漱月浩歌悲嘯雷風交加蟲豸不蟄象華其牙

分甘餘話先伯父侍御公詠梅云丹英任似火冰棱自如石南枝與北枝不作春風格陳伯璣云公忠烈之性已見於此

詠懷二首

咸陽多古蹟徒供騷人歌漢宮與秦闕曾不一瞬過紫閣有
仙人欲從嘆蹉跎長嘯以詠懷泛槎渡洪河見聞不可恃日
月去已多輞川在終南太息空煙蘿

阮公有密識神在酒之外越禮故遺俗凝心別有會鐘鼓不足
歎戈矛豈能害惜彼餐霞人願性終昧昧

王士和

一首

士和字允協御史與眉子諸生甲申聞變隨父自經
死

靜志居詩話允協死不違親與孟忠僖比烈其妻於
崇禎壬戌城破時先自經忠臣孝子烈婦萃於一門
尤難得也

絕命詞

痛余生之不辰兮天滅我之立王我父母一聞兮涕滂沱以彷徨以身殉國難兮維千古之臣綱嗟反面而事懶兮方臣妾之未遑哀世溷濁兮四維不張大地無容身之隙兮願隨我父母兮歸於帝鄉

明詩紀事

貴陽陳田輯

辛籜

史可法一首

可法字憲之大興人原籍祥符崇禎戊辰進士除西安推官徵授戶部主事厯員外郎中遷分守池州太平參議進分巡安慶池州副使監江北諸軍擢右僉都御史巡撫安慶廬州太平池州及河南湖廣江西諸州縣提督軍務以憂歸起戶部侍郎總督漕運巡撫鳳陽淮安揚州拜南兵部尙書參贊機務福王立拜禮部尙書兼東閣大學士改兵部進武英殿大學

士督師淮揚累加少保兼太子太保少傅兼太子太

傳少師兼太子太師進太傅大兵下揚州自刎不

殊被執死之唐王立贈太師謚忠靖乾隆中賜謚

忠正有集四卷

池北偶談康熙二十年吳江吳漢槎兆騫自甯古塔歸京師駐防將軍安某者老將也語之曰子歸可語史館諸君昔王師下江南破揚州時吾在行間親見人自呼云我史閣部也親王引與坐勸之降以洪承疇爲比史但搖首云我此時只辦一死但城中百萬生靈幸毋戮及王多方勸諭終不從乃就死此吾所目擊者史書不可風卻此人望溪集左忠毅公視學京畿一日風雪嚴寒從數騎微行入古寺廡下一生伏案文方成草公閣畢卽解貂覆生叩之寺僧則史公可法也及試吏呼名至史公公瞿然注視呈卷卽面署第一及左公下廠獄逆奄防伺甚嚴雖家僕不得近史公聞左公被炮烙且夕且死持五十金謀於禁卒卒使史更敝衣草屨背筐手長鐵爲除不潔者引入微指左公處則席地倚

而坐面額焦爛不可辨膝以下筋骨盡脫史前跪抱公膝而嗚咽公辨其聲而目不可開乃奮臂以指此老夫已矣汝復輕身而昧大義天下事誰支柱者不述去無俟奸人構陷吾今撲殺汝因撲地上刑械作投擊勢史噤不發聲趨而出崇禎末流賊張獻忠出沒蘄黃僭稱公以鳳廬道奉檄守禦每有警輒數月不就寢使將士更休而自坐幄幕外擇健卒十人令二人蹲踞而背倚之備鼓移則番代每夜夜起立振衣裳甲上冰霜迸落鏗然有聲或勸少休公曰吾上恐負朝廷下恐愧左公也

田按乾隆四十二年侍郎彭元瑞以所得史公畫像及其札稿合卷進呈高宗御製詩一章題於卷端命廷臣和韻並命大學士于敏中書御製明臣史可法書復睿親王事一篇及史公原書於卷裝潢篋此弃於揚州梅花嶺史公祠中嗚呼勝國忠臣得錫謚於異代且親灑宸翰於遺像教忠之意深矣

六安署病中感懷

待理猶繁苦抱疴公餘側枕奈如何民饑由己嗟艱食兵慘

逢人欲弄文撫字無能先布德催科甯忍復爲苛白雲交瘁
燕山下國手誰憐妙劑多

左懋第一首

懋第字仲及萊陽人崇禎辛未進士除韓城知縣擢
戶科給事中改刑科福王立進兵科都給事中擢右
僉都御史巡撫應天徽州諸府拜兵部侍郎經理河
北充通問使不屈死乾隆中賜謚忠貞有梅花詩

草

啟禎兩朝遺詩公詩文遒勁可觀
三岡識略左公懋第奉使議和不屈死臨刑絕命詞
曰漠漠黃沙少雁過片雲南下意如何丹衷碧血消
難盡蕩作寒煙總不磨被難時忽風沙四起捲市柵
於雲際一時爲之罷市
靜志居詩諾左公將北行貽書美給事懋大略謂國

遺大故二東不聞有斷頭穴胸以報故君者彼鄒魯仁義之稱安在懋第北行是懋第死日也既入燕卒以閏月十九日死於市

客燕

鼎鑿攀無及親闇并莫依豈堪哀子淚時落客臣衣陵樹夢猶見家山魂亦稀人間忠孝事意與鶴同歸

袁繼咸

一首

繼咸字季通宜春人天啟乙丑進士除行人擢御史謫南行人司副遷禮部主事厯員外出爲山西僉事厯湖廣參議移淮陽參楊嗣昌軍事擢右僉都御史巡撫鄖陽襄陽陷被逮戍貴州起故官總理河北屯政未赴擢兵部侍郎總督江西湖廣應天安慶軍務

左夢庚降 大清被執北去不屈死之乾隆中 賜

謚忠毅有六柳堂遺集

靜志居詩話侍郎處危疑之際內抑橫奸外調重鎮
備極苦心晚受命於燕京堪與左仲及比烈若江州
之焚倉猝不能戢將士當非其本心近見野紀有誣
公歸命 本朝者殆出怨家之口也軍中自銘曰死
事也易成事也難爲娶弗克爲曰維期張死匪先許
死匪後臣心匪他靖獻我后嗚呼父母有過則諫諫
而不從則號泣晏天撻之不怨晉陽之甲豈可訓哉
旣被獲抵大勝關親王傳語袁總督著隨行與以大
官做又自銘曰大官好做大節難移成仁取義前訓
是師文山袁山仰止庶幾袁山侍郎自愧也

雪日

雪片大如掌忍飢不可齠愧無子卿旣敢墮漢臣節鑽牖瞰
扶桑晨曦未全滅花發嶺南枝羅浮夢空結

祁彪佳二首

彪佳字幼文紹興山陰人天啟壬戌進士除興化推官以憂歸起御史福王立進大理丞以右僉都御史巡撫應天移疾去南都失守自投池中死唐王贈少

保兵部尙書謚忠敏乾隆中賜謚忠惠有集十卷

靜志居詩話祁公美風采夫人商亦有令儀閨門唱
蹠獨黨有金童玉女之目其司理蒲陽也慮閩人語
近侏離預遣人前往買二龜婢詢其鄉音及升廳事
胥吏多操土語侮公公佯不知決角後按籍遍召在
官人至一一聲其罪眾驚以爲神迨入爲臺諫卽進
封事略云凡文武內外大小諸臣必使之安其位而
後各盡其心邇來六卿九列之長詰責時聞引罪日
見因而周章急遽救過不遑竊恐當事諸臣核於嚴
旨冀以迎合揣摩善保名位臣所慮於大臣者此也
人材中下參半藉上感發其忠義鼓舞以功名今司
道有司或欽案之累由人或錢穀之輸未足降級住
俸什居二三必至苟且支吾急功赴名之心不勝其
掩罪匿瑕之念臣所慮於羣臣者此也陛下聞鼓鼙
而思將帥之臣儻得真英雄卽推誠設壇大豈爲過

一或獎拔之術未盡則冒濫之責將萌臣所慮於武
臣者此也陛下深懲憤怒特遣內臣撫按之事多令
監視正恐同罪同功反使互蒙互蔽開水火之端其
患顯敗交結之漸其患深臣所慮於內臣者此也其
言切中思陵時弊故其後亡國卒由此數端云公嘗
治別業於寓山極林壑之勝乙酉閏月六日坐園中
題其案曰圓功爲其難潔身爲其易吾爲其易者聊
存潔身志含笑入九泉浩然留天地又書曰已治棺
寄蕺山戒珠寺可取以斂我是夜兄子鴻孫侍側夜
分不寐公第日君子之愛人也以德逮鴻孫倦隱几
步至放生閣下投水昧旦猶整巾帶立水中子理孫
班孫葬之園旁捨池館爲寺塑公像於堂至今存焉

寓中清明雜興二首

風雨清明又一春桃花零亂野溪濱窗前惟有青山在歲歲
榆柳年前手自栽而今綠影覆亭臺虛堂淨敞荷池畔爲待
相看作故人

榆柳年前手自栽而今綠影覆亭臺虛堂淨敞荷池畔爲待
銜泥燕子來

黃端伯 三首

端伯字元公建昌新城人崇禎戊辰進士除甯波推

官改杭州丁艱歸削髮爲僧福王時起禮部主事

大清兵下南京死之唐王時贈太常寺卿謚忠節乾

隆中 賜謚烈愍有瑤光閣東海還鄉三集

四庫總目端伯生平好佛嘗鑄私印曰海岸道人取楞嚴經引諸沈冥出於苦海之語及晚年磨去印文改鑄忠孝廉節四字終以殉國流芳可謂不負其志自靖錄端伯爲杭州推官丁艱歸削髮爲僧或以上聞奉旨勘問乙酉起禮部安坐私寓不報名或勸削髮爲僧歸江西答曰臨難毋苟免聖人之言也可藉口釋氏偷息人間耶大書其門曰大明忠臣黃端伯之寓居停櫂禍及乃聞於官被執角巾野服入見南面屹立命之跪不屈竟趺坐於地與之言皆對以嫚語及拔刃相向卽伸頸云頭在此五月二十六日於江甯獄端坐如平時多方說降微笑不應至九月十三日命殺之點頭而出復令降臣勸其投順終不

從遂令行刑適履脫大言曰頭可斷履不可失卽納

之至南門外水草庵前日此吾死所也向天叩頭呼

高皇帝烈皇帝將刑適報恩寺僧一輪超過呼之代

書絕命詞云覩面絕商量獨露金剛王問我安身處

刀山是道場

靜志居詩話元公近體劍亮雖注意逃禪都無蔬筍

之氣絕命辭云欲識分身處刀山是道場靈運可以作佛矣

田按元公深於佛理故於死生了然小詩別有清趣

饒州道中

驅馬月當路出門風滿天野林侵露早山縣得寒先客興悲
今日朋遊憶去年故鄉何處是回首意茫然

絕句爲黃定之解嘲二首

二月桃源踏落花桃花千樹爛於霞人家各站桃花裏一逕
桃花是一家

新豐酒市轉林隈野樹成行小漣闊旁舍日斜初晒網綠楊
洲上打魚回

雁蕩山行

大小芙蓉映水村青山爲郭石爲門幽居不記人間世祇向
花源長子孫

王若之

三首

若之字湘客益都人以應除南都前衛都事改戶部員外郎中出爲河南參議告歸起南戶部郎中遷僉事以事削籍提問尋復官大兵下南京殉難乾

隆中

賜謚節愍有湘客集

居易錄湘客孤情絕照情談如晉人服官留都放情山水三忤宦寺罷官乙酉避兵姑熟干戈崎嶇獨裁

三代古鼎彝法書名鑒，兼輞連軸寢食與俱其答人
書云：正惟草莽之中當堅守一之節，遂死於難所與
游者皆一代偉人詩清真無啟禎氣習最工赤牘單
詞片語逼似晉宋間人

山望

我愛南山好，孤高海岱中。曠源荒白日，大陸敝秋風。
封禪書何有，神仙藥不逢。古今無限意，搔首向長空。

季夏北上嵩山遇雨偶題

片時眼界澂，清鼻觀與之俱。省脫巾解帶，匡床消受荷花頃。

山居漫興

紅紫園林春事多，主人樽酒恣婆娑。好懷饒與芳時競，一日

花開一醉歌

徐汧一首

汧字九一長洲人崇禎戊辰進士改庶吉士授檢討
厯贊善諭德庶子福王立召爲少詹事移疾歸南都
失守投水死唐王時贈禮部尙書謚文靖乾隆中

賜謚忠節

自靖錄甲申京都陷汧號痛不已南中福王立咸謂
中興可望汧獨蹙然曰相無王導謝安將非祖逖
保區區新造之江左分門別戶燕雀處堂其能久安
乎吾惟有一死以報十七年憂勞故主耳每指圖中
池日此止水也聞南京不守將引決於莊舍爲莊僕
所覺不得死從山中夜泛小舟至虎邱月下沽酒獨
飲飲罷肅衣冠北向稽首從容赴虎邱後谿新塘橋
下自沈死一老僕躍入隨殉

同呂非齋譚埽菴酌山塘

蕭箇聊從意所申招尋彌愛得其倫深杯帆席淹留夜過眼

雲山晚
晚春人影連
隄花作市
磬聲交寺月爲鄰
淡娛今夕
宜同醉
寂歷知懷感慨均

楊廷麟

二首

廷麟字伯祥清江人崇禎辛未進士選庶吉士授編
修改兵部主事軍前贊畫貶秩尋復官福王立用薦
授左庶子不就唐王時拜吏部侍郎進兵部尙書兼
東閣大學士守贛州城陷投水死桂王贈新淦伯諡
文正乾隆中賜謚忠節有兼山集

梅村詩話伯祥別字機部爲文排盪峭刻在韓蘇間
書法出入兩晉倣索靖體詩則好用奇思妙句不甚
合律然秀異聳拔往往出人機部偕臥子同出吾師
姜新建之門以文章氣節相砥礪旣遇黃石齋先生
於京邸一見道合負直節好強諫上書論閭部楊嗣
昌失事罪得旨兵部贊盡參督師盧象昇軍事余贈

之誌曰諸將自承中尉令孤臣誰給羽林兵蓋紀實也盧與閣部議軍事不合遇機部相得甚已而中外異心兵勢日蹙盧自謂必死願參軍書生從共死無益乃以計檄之去機部不知也機部至孫侍郎傳庭哭軍前六日而盧公於賈莊徇難乃求得其尸抱之痛盧公之死有馬士抱之傷不深機部詩云死君旁不無聊生會詔誥督師死狀賈莊前數日督師誓春者一掌牧遁首俱妙惜佚落不全又憶其渾河詩云定野廟中倚土銓作書約之合軍高竟拔營夜遁真督師用無援故敗機部受詔直以寶對慈溪馮鄒仙得其書謂余曰此疏入機部役死矣爲定數語機部聞之則大恨先是嗣昌遺部役張姓者偵賈莊而其人無亦得免遂以榜耳盧公死狀流涕動色嗣昌榜笞之楚毒備至口無亦爲平改白之則大恨先是以榜笞之楚毒備至口無亦得免余詩又曰憂深不勝已而機部過宜興訪盧公子孫再放舟婁江嘉定程孟陽爲畫像參軍東潤作短歌余會飲十日臨江參軍一章凡六十韻

余與機部相知最深於其參軍周旋最久故於詩最真論其事最當卽謂之詩史可勿愧機部後守蘆州從城上投濠死集竟散佚不傳西江詩話伯祥與倪鴻寶黃石齋並以文章名天下稱爲三翰林懷宗嘗大書唐人句當軒半落天河水遺徑全低明月枝十四字賜焉國變枯槁行吟形神俱瘁每與故人尺一自署兼山蓋以兼文謝二公自況也

靜志居詩話伯祥慨慷淋漓特取材未純故解多鬱

轄自靖錄甲申間變公痛哭與劉同升大集紳士於瀘臺祠爲烈帝發喪舉義旗誓滅賊復疆土雪列聖仇耻結連轄撫李永茂立忠誠社於轄招致四方義勇於是王其宏其姪劉明保彭日趣各率家丁軍糧入社立功者幾二萬人大享士於城西卒兵收萬安抵泰和復吉安奉表迎唐王王拜公兵部尚書兼東閣大學士開府南轄公念國破君亡偷安海上非計刻意圖復中原未幾而劉同升以積勞卒於軍永茂亦以憂歸彭生與公同保孤城公將入閩會萬元吉萬人賜名龍武新軍所謂四營者也張安者四營之一統兵復撫州內戍五月戰於梅林而敗兵旋散入

月 大兵攻贛州十月四日黎明城陷殉節

寄李尙書

朝聞驛使向江樓虎輶魚文耀列侯戎服晝銷南浦雨漢家
雲護北陵秋空同山下看雙節天柱灘頭領八州今日傳呼
新僕射臨淮依舊擁貂裘

丙戌元日

黃華嶺外瑞雲齊白露洲前戰馬嘶五道將軍臨直北三江
父老望征西春風斗帳降銅馬細雨戈船闖水犀此日建康
應拜舞近臣不解賦鳬鷺

梅村詩話楊機部殉節後云已無子有康小范孝廉
來吳門攜機部在贛州詩十餘首并言其子尙在余
後訪機部子知在南都山中甯都被掠機部之子亦
在掠中有彭士望諸機部門人以三百金贖得並求

得其母子置一處可謂不負機部也機部詩學索拘折此寄李尚書丙戌元日詩高渾深麗軍中從容慷慨戎服賦詩具見整暇七年不見其學問之進益如

萬元吉

二首

元吉字吉人南昌人天啟乙丑進士除潮州推官改歸德謫永州檢校遷大理評事軍前監紀以憂歸起南兵部主事進郎中福王立擢太僕少卿唐王時擢兵部侍郎總督江西湖廣諸軍加兵部尚書贛州破投水死桂王贈太師上柱國建極殿大學士兼吏部尚書追封進賢伯謚文烈乾隆中賜謚忠節

田按萬公監楊嗣昌軍寇自楚入蜀請出奇聚河殲之嗣昌猶豫不決寇遂逸出迄無成功此事史傳不載公與機部守蘄城幾及半載其智計有過人者卒以食盡援絕抗義不屈哀哉

送無我上人還廬山

萬里秋聲急清楓古渡平潯陽潮自落楚岸月孤明破衲儻
寒去芒鞋雨雪行廬峰遙在望懸遠定相迎

謁草廬祠

白水餘真氣高人此結廬不因求聞達祇自守清虛一鼎英
雄沸數椽天地舒綸巾風骨古瞻對幾停車

劉同升

三首

同升字孝則吉水人祭酒應秋子崇禎丁丑第一人
及第授修撰以劾楊嗣昌謫福建按察司知事福王
立起故官不赴唐王時擢祭酒進詹事兼兵部侍郎
守贛州病卒有錦鱗集

自靖錄孝則崇禎丁丑狀元及第當順天府尹用傘
蓋儀從送歸時馬上賦詩云千行馬上思親淚一寸
階前報主心人已知其立志忠孝矣明年戊寅偕同
榜探花趙士春合疏救少詹黃道周論新輔楊嗣昌
奪情孝則謫福建按察司知事士春亦謫福建布政
司檢校吾朝狀元以直諫被謫者羅倫論李賢奪情
張昇劾劉吉舒芬諫武宗南巡三人皆江西產而孝
則復以江西人諫謫可謂先後一轍不負大魁矣乙
酉間道歸同楊廷麟郭維經等守吉安駐兵贛州力
疾勤事城垂陷卒於贛州分巡道署中

夜宿雪山寺

鄰園已復佳鄰寺益喜僻不知何處鐘冷然共晨夕杖策行
郊坰峰巒青可惜伊余厭風塵懶性宜泉石況此舊遊地昔
年無勝客夜坐一燈幽明朝望三益

遊南岡寺

芳樹籠幽徑高峰入寺青人煙迷野店鳥語出危亭破寂留

僧話忘機誦佛經秋蛩若爲怨砌冷不堪聽

過豐城

細雨風檣作意斜岸移百丈過江沙水邊一樹垂垂白春晚
棠梨尚著花

彭期生

一首

期生字觀我海鹽人萬曆丙辰進士除徽州教授累
遷南昌知府改濟南調布政司照磨遷應天推官改
南兵部主事厯郎中出爲江西僉事唐王立進參議
擢光祿少卿進太僕卿兼江西布政使守贛州城陷
自縊死乾隆中賜謚節愍有弱水山人詩集

自靖錄南贛總督萬元吉以贛爲江廣要地非期生不勝任乃檄赴贛州期生題其門楣曰國家養士三

百年報稱正在今日祖宗承恩十二世忠孝豈讓他人以其家乃世襲海甯衛指揮同知也丙戌三月吉安破四月入日期生遂預書遺囑一式五紙留箇中光祿少卿兼分守嶺北道參議則贛州是文文山起兵倡義之地每覽文山全集夜坐悲吟擊節自壯當不使負慚色於古人也吉安城陷我軍之夾河而壘者遂皆潰逸一散不可復收盡奔至贛州而十八灘之險亦不可恃旦夕且為吉安之續矣從今以後日以死自期肉飽烏鵲骨葬蠻蠻亦為考終汝輩勿望我生還亦無處求歸我骨望湖西嶺北而招魂以歸故鄉魂氣無不之也孝弟忠信禮義廉恥平生訓汝曹造而習之別無遺命卽此是遺命也贛州被圍固守半載十月奸民內應大清兵潛上小南門期一生還此卽訃音矣遂冠帶自經於章貢臺之寶蓋亟開函取手書遺囑五紙分授五僕曰五人中有一人下湖西人識其遺骸解縕排堵覆之越兩月虛墳人杜鳳林桂芳敗敗塙拾遺骸處理已委謝惟胸臆猶在以上石函瘗下殉節處墮鐘記之備志居詩話先生與楊萬諸公力保孤城死之日守大器潛收真尸瘞於萬安縣之百家村仲子孫

貽訪其遺骸未得久之鄉人胡樞知萬安縣事一夕
夢先生語曰遺骸在縣境君能歸之故鄉幸甚會大
器之友曾堯舉亦以狀白樞樞資遣之至海鹽家人
詰其事皆合子女旋以血滌遺骨俱沁入乃慟哭葬
之說者比於溫序之思歸焉

田按公子孫貽有虞臺寒食怨詩云虞南草枯向南
樹吹作虞臺塚旁土望帝恩君君未歸號盡輶江寒
食雨紙錢溼煙飛不起五父荒墳石無主幾人江上
共招魂瘴海青蠅弔泉戶平原門下客劉生沾得梨
花一杯乳獨洒西州淚數行滴入泉臺草枯苦嶺頭
孤兒望臺哭跪問道旁雙石虎何處龍蛇縛上灰浩
浩東風鵠鵠舞當是孫貽訪其遺骸未得時作也詩
中平原門下客劉生虔人劉旭章也

過湖上僧寮覩壁間伯兄題句感懷二人泫然成詠
三載重悲廢蓼我不堪蕭寺屢經過明湖似亦知人怨故遣
寒波著雨多

馬懋功

三首

懋功字長卿桐城人萬曆乙酉副榜福王時以薦除
杭州通判擢監軍僉事進參議守吉贛出督水師兵
敗赴水死有介石齋稿

桐舊集胡業宏曰先生久居戎幕晚被薦章游厯參
藩遂成大節詩上規杜老下法劍南不啻吉光片羽
姚椿曰公精天文象數所爲詩五七律沈雄感慎使
人流涕不已

送羅給事

相逢更何日握手淚沾襟封事傳西掖遷官去上林風雲雙
闕迴煙水五湖深宣室終前席無爲澤畔吟

經國

水旱繼兵戈閭閻病若何桑麻非舊業賦稅有新科綱恐流
亡甚還令盜賊多樞臣經國計猶望凱旋歌

書事

上相專征出未央
御門推轂重恩光
正從三楚收三峽
頓破襄陽與洛陽
裘帶從容空自翊
甲兵精銳恐全亡
中原回首成殘局
一念遺黎一斷腸

吳應箕

十五首

應箕字次尾貴池人崇禎壬午副榜唐王立除池州
推官監紀軍事兵敗被執不屈死乾隆中賜謚忠
節有樓山堂集二十七卷

蘇桓武子集次尾爲詩精於辨體不襲古人不趨時
尚真樸澹老惟自見其志與有益於聞者而止
劉城擇桐集次尾論詩之指日詩古文辭其義一也
古文之道惟樸與堅斯其至者詩何必不然且詩本
性情述志意心口相傳宜無他假者而以諧聲傳韻
裁取成章已不能不在離合間況復資之掇拾專尙

華麗哉其失也僞是謂無詩吾生平不爲擬古強笑
不歡非中懷所達故也蓋次尾之論如此相其旨趣
要不離所持論
陳忠裕集次尾博極羣書通世務善古文獨慷慨負
大略此其可以詩人目之哉顧天下之善詩未有如
次尾者蓋與余酒酣細論其言曰弘嘉諸君之失以
拘體法而詩在今人之得也以言性情而詩亡豈性
情之言足以亡詩飾其未嘗學問者以爲詩人之妙
不過如是嗚呼與其得也則甯失而已次尾之詩其
學問可考而知也豈與今之人同日語哉
自靖錄甲申應箕上書當事言江北三鎮靖南侯黃
得功獨忠勇東平侯劉澤清廣平伯劉良佐反覆不
可保武昌上游常南侯左良玉萬難恃而其大要則
以史可法宜在內閣不宜駐維揚金陵不守應箕與
同邑微士劉城痛哭約鄉人果烈有心臍者同事得
四五千人應箕分爲四師一師出東流一師與
徽池州相爲犄角間道突厥金陵一師自卒攻池州
大清兵屢戰殺傷相當終以眾寡不敵被執
受刃神色自若授命處血迹久存洗之不去執引

靜志居詩話先生羅九經二十一史於胸中洞悉古今興亡順逆之迹當崇禎中預慮燕都之必不能守間者皆笑其迂而先生持論侃侃不阿也名雖不登朝籍而人才之邪正國勢之得失瞭如指掌撰有熹朝忠節傳二卷兩朝刺復錄十卷留都見聞錄三卷東林本末六卷續觚不觚錄二卷其書或傳或不傳可以當龜鑑矣分宜張爾公稱先生人文似陳同甫是誠知言

田批樓山詩五言樸老長於詠史復社中殉節諸公義魄鬼雄如樓山維斗日生存古武公公旦輩難與僕數可以雪結社亡國之恥矣

立秋

五載屆斯辰風塵悵擾攘今茲肅高居忽復逢秋爽微雨洗繁林輕飄蕩纖幌庭植相與鮮煩襟亦以蕩憩松說沈陰撫琴弄新響清商未央來積暑漸以往宿志耽墳籍欣承氣清朗把卷欲忘言散髮酬心賞

別姚子雲元台韓姬命如璣陳士業弘緒

姚子句吳秀吐氣薄氤氳韓生雅澹才朗戶日雕文往來陳
與吳杯酒何慙憇一朝塌秋翮惜別長江瀆涼飈厲霜夜葉
隕空紛紛離獸多悲音高鳥哀違羣矧予敦情好悵焉襟袂
分川原杳無極何以接芳芬人生無常聚飄如風中雲自此
慎歧路久暫非所云

和周仲馭十四哀

錄六

楊忠烈公漣

憶昔甲子年逐獵聚京陌時傳中丞疏讀之擢肝魄豈期激
禍機消天生輕隙始萬鹿且駒玉聖天方劇悲哉陳賣身鋸
鍊銷金石貫木骨已糜埋草血成碧嗚呼天聽高甯念捧遺

冊忠臣不恤死要在安宗祐大義爭移宮烈風號奄穸

魏忠節公大中

魏公旣通籍十年懷一衣天性好峭潔攬轡願無違豈不歎
明哲義激履危機鄭崇死規節王章僇訕譏銀鑄骨一具烈
烈生光威子也感獄對淚落不能揮悲哉賢茂才父子同所
歸

周忠介公順昌

道喪善類殃高張讒夫喜吏部千載人脫鉤良獨恥魏公躬
就逮慷慨悲不止繙婚非急交用以羞檢鄙李膺囊三木范
滂無生理生平冰雪姿蟻蠍拚一死天地爲震怒風雷立移
徙招魂江上來惻惻滿蒿里不見彪虎傳驃侈同羊豕

高公攀龍

梁谿高夫子蹈道本洙泗當其秉憲時搏擊先梟鷺一自鉤黨連爲善無遺類皇甫阤已湔景毅志亦遂傷哉故大臣而敢煩獄吏拜表入清流汨羅染易贊自古皆有死烈者罹宦寺趨游和藥來視茲無異致

萬人燼

郎中抗疏時聖朝驚一鶴誰知鵠吻張白日沸鼎鑊解衣趨就烹談笑若綽約男兒旣讀書志在辦涓鑿得從龍比游豈不賢生鵠長安大道傍千載燐而博節甫安在哉嗟彼空狐貉

劉公鐸

磊落劉知府十年始一麾題詩決西市長夜使人悲秦刑腹周內漢律意增移悲哉文字劫有道恥言危巍巍九千歲頌德不自噬誰能呪詛死風流亦可師

述懷

舉世急干祿小儒矜詞章爛然麗雲錦誰知大道亡絕學恥非聖況以鴟荒唐所貴炳星日析義訖精茫董生蔽災異王何繆老莊微言苟未絕歧路慎輶張

荀彧事賊曹晚乃飾名迹嗣宗躬放達而曠司馬側旣爲鳳凰姿故不矯厲翼豈有麒麟德受羈于犬食辭婚善全宗至慎巧販國詠懷好詩詞能無自愧恧

魏晉賤守節頑散稱通人爲文事靡麗誰能窺道真六代一

元亮邈焉至德鄉讀書非不解耽爲詞章偷賦詩時見志飲酒亦還醞尊聖契經理狂歌不厭貧達生寓自祭深懷記避秦劉宋何能屈陶然漉葛巾

相如射財利竊婦良不恥得志還成都縣令躬負矢詞賦工詭奇駟馬何足齒嚴助仇友壻主父勢相倚賤貧意氣卑富貴誇戚里大道忘寒炎達識齊通否衣錦世所榮無爲君子鄙

寄嚴印持西湖兼問子岸

自昔風流在高居靜若禪曾蒙十日飲尙缺一書傳鶴嶼秋誰問鵝經老更妍嚴工書過庭應閭筆魯殿可巋然

和州

高皇昔神武和州初濟師豈知壯哉縣遂爾汗爲池汝頽空
連絡江淮斷鼓鼙殺人十五萬莫使聖明知

閒看

閒看處堂喜真稱舉國狂人猶殺李范運不及齊梁寂寥臨
春閣悲涼石子岡只餘諸葛恨頸血濺淮揚史公道鄰

金聲一首

聲字正希休甯人僑寓嘉魚崇禎戊辰進士選庶吉
士遷山東道御史告歸起故官及山東僉事均不赴
福王時超擢左僉都御史不赴唐王立授右僉都御
史兼兵部侍郎巡撫徽甯池泰等處提督軍務
大
兵下江南被執不屈死贈禮部尙書謚文毅乾隆中

賜謚忠節有燕詒堂尙志堂集

自靖錄大學士漳浦黃道周過新嶺賦絕句云殘棋
唾手已難工又是論人成敗中但說丹心何所用
時張眼念滅洪自注云新嶺上弔金正希死時有江
天一諸賢從之足爲吐氣中書舍人華亭夏完淳賦
六君詠其第五章賴金司馬聲云司馬盛才氣豪舉
不可親翩翩雲中龍渺忽誰能馴牙旗風蕭蕭慟哭
驚鬼神輕生貴任俠英英殊逼人功名盡一劍壯志
苦不伸縱橫一世間卓犖誰比倫

賦得拊髀思頽牧

郎吏道已雜買官牧牛羊尊祿雖武功買官入疆場壯士負
才氣百戰裏千瘡大傑觀時務隱身自迴翔天子難得見當
路重籠籠莫有念亂人覆謂將才荒孰肯蹈死地反傾橐中
裝孰敢擲平生付人諭短長篇霜絕大漠漢廷無鼓盃惟願
天子出停車式蠻鈞開言一入廉季氣不昌諫罷隨拊節

古人快馮唐誰秉國成者搜才應多方明主可忠言何哉尙括囊

江天一 一首

天一字文石歙人諸生從金聲起兵唐王授監紀推
官參軍事兵敗被執不屈死乾隆中 賜謚節愍有
止菴集

拜御史大夫景公墓

委質原來卽致身不因富貴喪吾真燕雲甲冑無榮辱湯武
衣冠有愧臣斷首死猶爭順逆孤忠氣已歷星辰山深徑仄
鳥噦急疑是魂悲志未伸

麻三衡 六首

三衡字孟璿宣城人貢生屯師姑山兵潰被執死於市唐王時贈國子監學正

陳貞慧山陽錄孟璿偉幹疏髯有志節好將帥之略
自然淹雅博文所著花頃志古香流麗得晉唐風氣
自靖錄孟璿博學能文與徵士沈壽民俱知名復社
中身長七尺美振髯喜奇服力能挽強射堅好馳馬
擊劍談兵法習天文五行奇門六壬諸家言家故富
輕財好施客多歸之至是益出家財募士旬日得數
千人遂起兵於稽亭兵敗被執作詩題所繫室中牖
上云吳越連沙漠天心不可謀漫招千丈鬚笑看百
年頭若水心猶烈平原志未酬清風吹宛句朝暮五
湖秋

靜志居詩話孟璿注名復社遠賦無衣陳安未克生
還狼瞫已得死所詩殊超朗朗

西山四首

西山不可望萬里遠傷心落日照荒野亡猿懷故林亂流音
欲渡歧路亦何深誰是冠纓者蕭蕭薇蕨吟

黃河流不盡北燕至何爲冠蓋空三輔鯨鯢盡赤眉魂銷分
劍日心折覆巢時野哭千山暮無人慰黍離

世亂忽如此國恩誰與偷徵兵到蹶脫揖盜自重閭貧賤懷
知已弓裘忘至尊中宵望北斗不敢賦招魂

終日如有失相看何所求一身隔江海雙淚滿滄洲父老疑
猶在東南渙不收中原多李郭早晚急同讌

玉河

玉河水背漢宮秋故國煙花生遠洲青女明璫爭夜月黃頭
翠羽舞伊州夢回塞上雙流淚家在淮南獨倚樓多少東門
種瓜者飛蓬搔盡不勝愁

徐復生移家丁橋予亦移家稽亭

風雨西村烏鵲稀
南州孺子臥牛衣
南山茅屋白雲滿十里
句溪紅葉飛亂後
知交斷消息愁中耕鑿聊因依
卜居我亦入山去
輸爾江鄉蝦菜肥

沈壽堯

一首

壽堯字景山宣城諸生舉兵應金聲戰死

山晚

山外日初夕
山中人已歸
風來移鳥宿
月出照螢飛
竹氣寒生褐
荷香冷
羹衣一村深
遠樹燈火自依依

楊文驅

十一首

文驅字龍友
貴州衛人參政師孔子萬歷辛酉舉人
除華亭教諭遷青田知縣改永嘉江甯以事奪官福

王時起兵部主事厯員外郎中遷兵備副使擢右僉都御史巡撫常鎮兼督沿海諸軍唐王立拜兵部侍郎進浙閩總督 大兵入閩被執不屈死有山水移

洵美堂兩集

陳子龍安雅堂集龍友詩有幽峭之思沈鬱之色壯烈而不失和平夷曠而中存莊雅
邢昉石白集洵美堂詩紓徐以導遠雋摯以達情引物連類廣博曼衍屢出靡涯而源流師法粲然可指畫禪室隨筆龍友生於貴竹獨破天荒所作台蕩等圖有宋人之骨力去其結有元人之風韻去其佻出入惠崇巨然之間觀止矣
讀畫錄龍友工畫善用墨初爲華亭學博從董文敏精畫理然質頗異不規規雲間蹊徑也後貴陽之勢漸張急於功名不復唱渭城人有求者率皆盛伯含林玉兄弟及施雨咸捉刀
黔詩紀略龍友少負奇偉文章劍術兼擅其能尤耽書畫好短衣矢箟馳惡馬逐健兒射生坐草間燒啖爲樂意有所會卽伸紙潑墨如風馳雨驟不能自休

移家南京日與諸名士結社角藝酒酣耳熱抵掌時充意氣橫出一座盡傾好游覽遇佳山水賦詠圖畫政充物行橐尤蓄意天台雁蕩崇禎元年其父師孔參時龍友年才三十三畫名噪大江南北迴在詩文之河龍北固持戈矛披圓赤壁思曹劉酒酣灑墨橫江上其後以職方監軍京口吳梅村爲畫中九友歌云虎州諸人並稱其傾倒一世可知矣龍友侈結納耽聲伎一歲貲常鉅萬豪士每略小檢述明社旣屋士夫多肥遯自全獨須臾不忘故國閑闋流離中獨阻兵負固屢抗六師父子家人膏斧鉗而不悔大節錚錚亦可謂烈丈夫也已田授龍友詩畫均負異才南遊江浙畫學得師友而精遂爲吾黔一大宗師則與王季重陳木叔輩遊頗染蒼苔習然俊骨妙趣猶時露於字裏行間也大節棱棖豈徒踞畫苑驕壇一席

與董文宰先生論筆墨

惜墨不在墨要知先惜水苦心不問手對鏡豎謀紙看君潑

墨時濃淡皆有理毫端噓董巨硯池活范李滴滴生氣飛尺幅幾千里

過胡元振齋中看畫

散步啟衡門初桐引修逕巷若無居人冷翠自相映爲尋太始音閒叩山水性置吾羲皇間泉源在微磴墨光冷山候素氣澄水量坐久忘丹青倚壁究觀聽

廢宮

亂巖如犬牙適與哀湍會不知何代宮傾倚衰草外畫壁滿蟲涎石蘿相映帶古柏饒幽姿童僕擁青蓋悲風薄暮生遠近咽竽籟初制豈不偉吾生亦有在歎息緩行坐前望車馬晦

梁溪喜逢唐季陶依韻奉答

各看鬚髮憶當年
纔得逢君又黯然
煙水款留高士榻
黍雞供應故人船
新篇嚼雪魂相勞
舊事流雲夢已傳
汲泉香頻煎燭渾忘
逆旅韻俱仙

吳門別薛千仞還四明

俗薄唯君古道存
不於臨別始銷魂
身餘白髮酬朋友
家習青箱善子孫
西閣雲歸返棹南
枝花發待開樽
四明山水神仙宅
應羨文星隱鹿門

縉雲道中

板輿終日聽無窮
半是松聲戛亂峰
野水若迎奔道白
山花如訴照溪紅
鳥忘煙火非凡羽
人習耕耘帶古風
樹頂殘陽

時作彩丹爐隱隱欲相通

京口與潘無隱

坐擁澄江意自閒好峰如戟障蛟闌帆吹雲影憐知己月送
潮音慘客顏酒浪夜深高鐵鶯筆花醉裏撼金山獨愁把臂
翻成別明日橋東第幾灣

題畫

一抹寒林水一灣幽人情性頗相關胸中自寫塊礮氣筆底
何妨斧鑿斑生卷老雲皴白石不將媚骨點青山便如個裏
幽棲客更要何人相往還

雪霽訪山中友人

凍色一千尺峰峰依去馬應有素心人出沒溪煙下

雜題

煙火岸邊村鶯花溪上寺獨有素心人放歌時一至

朱雀航

野航月冷草蒲蕭曾照當年劫火燒遺恨至今流不斷酸風
昨夜返寒潮

孫臨

六首

臨字克咸一字武公桐城人貢生唐王時授監軍道
副使兵敗被執不屈死乾隆中 賜謚節愍有楚水
吟我惺集肄雅集大略齋稿

張于烈芑山集克咸負不世出之才年甚富學甚博
故修詞典麗氣尚淵穆
方以智密之集克咸肄雅集自樂府以下反復詠歎
其措遠其思深

錢秉鏗田問集武公魯岳方中丞之壻爲人風流俊
爽曉聲律習騎射嫻技擊會中丞撫楚屢與賊戰武
公嘗雜騎士中躍馬深入時於馬上賦詩爲樂避寇
白下嘗大雪挾所匿妓騎而游鍾山每感慨時事輒
悲歌泣下南渡立國武公避地雲間與陳卧子徐復
菴謀舉兵不果後往依其兄於台州會蘇撫楊文鳴
募兵龍泉以書招君遂奏授副使監其軍事丙戌七
月大兵取閩與文馳行至浦城追及之遂俱死
鷺尾續女武公少讀書任俠與里中方密之爾止周
農父錢飲光濟名所爲歌詩古文詞流傳大江南北周
好談兵手製木牛流馬式著平地能自旋轉如生陳
大樽贈詩曰孫郎磊落天下才龍文手握雙玫瑰自
言三卷授黃石談兵說劍如風雷著其事也
莫友芝鄧亭集始余讀余懷雜記云楊中丞文魄父
子三人同日殉難又云楊龍友殉節閭櫛無遺種也
唯老女匱歸金陵依家僕以終天年每歎錄錄義烈
如楊公竟斬焉弗嗣拊卷不怡者久之意仙霞忠魂
欲求梅花嶺之衣冠一抔益不可得矣道光末桐城
孫起瑞心道來巡貴州糧備得讀其家譜乃知龍友
骨歸孫氏與觀察高祖之父武公副使合葬又附見
楊氏後裔於是鄉積不能解者一旦釋然龍友好推
獎名士士亦附之獨不幸爲馬士英戚子人議端當
當

福藩時大獄疊興阮大鋮羅織善類必致死者龍友
必委曲調護保全蓋數十計固宜其有後也
田按武公與楊龍友同事死則孫氏與戶同歸方爾
止哭龍友武公同日死難詩云姑蘇城外轉旌旗士
馬蕭蕭我獨隨自愧江東行不果祇因堂北養無兒
周郎再造威重震漢鼎難移死自期況有參軍同志
節陽行慷慨復何悲可以見其義烈矣

短歌行

撞鐘伐鼓誰將爲歡日月迭微良時盤桓一解感感靡騁瞻彼
四方心之憂矣難解杜康二解肅肅秋風首如飛蓬座客常淵
樽酒不空三解冬有肥羶夏有肥羶乃飭爾肴用速爾徒四解
飛烏鵲繞樹哀吟縱橫烈士撫劍雷音五解哀今之人單祿不

周安望衣被禦寒九州六解

哀長平

長平日夕悲風起四十萬騎一時死
燐火蕭蕭陰雨青茫茫
白骨土花紫莢草黃沙寒日曛
山空曠野度愁雲西望咸陽
杜郵道不須重弔武安君

夕安憶歸

江流亦何急游客思方深動是經年
別空懷故國音青山時入夢
白草日相侵安得理輕棹行行慰我心

客居金陵張兆蘇曹梁甫見訪卽聞賊信

荒煙朝夕暗城東懷夢階前青草蓼
南馬日中知赤白雙龍江上定雌雄
聲悲袖寶千夫壘影落蘿蕪六代宮兵火
與君皆痛哭長纓猶望請終童

塞門歌

白草胡兔驕控茲天山下健兒聞笳聲一聲齊上馬

江上曲

號月孤鴻夜雨霜悠悠江水一帆長傷心兵火無消息不願
逢人問故鄉

錢棟

三首

棟字仲馭嘉善人大學士士升子崇禎丁丑進士除
南兵部主事遷郎中改吏部擢廣東僉事未赴乙酉
起兵蘆衛兵潰至震澤投水死贈太常寺卿謚忠貞
有新懷園詩三卷文部園詩三卷

自靖錄仲馭乙酉起兵蘆衛三吳志士多挈家依之
八月兵潰將從閑道至徽州十七日泊舟震澤聞湖
中駁聲震天眾寡不敵投水死小僮秋煙從而赴水
持其衣裾不舍明日有友人錢秉鑑在上泣呼棟字

秋煙屍卽挽主屍逆流上浮起乃得斂焉

姜垓賀當集仲馭好學能下士請養歸里築南閣以

待賓客鑿鉢成吟天葩燦發或有未慊應手改竄性
顓敏嘗與余淡心嗜誦漢書相如揚雄呂后等十數
傳晨而上口酉而背抄淡心差十餘字仲馭差三十
餘字仲馭謝曰僕去君遠奚啻三十里其謙下若此
歟禎兩朝遺詩吏部忠孝人心有悵觸衝口而發不
拘聲病而才藻爛然

文園雜詠

天際浮雲散登臺攬翠微西來風雨是北去雁鴻非第宅悲
金管關山念鐵衣中原兵氣壯未敢說漁磯

金陵感懷

上游千里廢耘耔南國流人敢告饑荒城榆皮供父老戰場
烽火哭孤兒防江總恃波濤急草檄誰嫌斥堠遲獨少武陵
吹一曲悠悠羌笛滿旌旗

秦淮詞

春波幾尺浴鶼鶼姊妹同舟笑語添每到日斜簫管發一時人盡捲珠簾

魏耕

五首

耕原名壁字楚白甲申後改名耕字白衣又名更慈
谿人有息賢堂前後集

全祖望甫上耆舊續集雪寶山人魏耕者本慈谿人少失業學爲衣工於若上然能讀書有富家奇其才客之尋以贊壻居焉成諸生國亡棄之山人所交皆當世賢豪講求大節與于若上起兵之役事敗亡命走江湖妻子滿獄中弗恤也久之事解乃與歸安錢縉曾居思溪閉戶爲詩酷嗜李供奉長洲陳三島尤心契之東歸遊會稽有張近道者好黃老管商之術以王霸自命時人輒唾之而其里人朱士稚與山人論詩極傾倒近道見之亦輒痛罵不置然三人交相得因此并交繩曾三島稱莫逆山人又因此與邢忠

敏公子班孫兄弟善得盡讀淡生堂藏書詩日益工
然山人於酒色有沈痼一日之間非酒不甘非妓不
寢禮法之士甚惡之惟祁氏兄弟竭力資給之每山
人至輒爲置酒呼妓久之山人又遺死士致書延平
謂海道甚易南風三日可直抵京口己亥延平知其
言先下金陵已而退軍山人復遁道留張尚書請入
焦湖以圖再舉於是復有刊章之捕續曾以兼公輔
吏索稍解癸丑有孔孟文者從延平軍來有求於續
曾不暨并怨山人以其蠟書首之山人方館於祁氏
被執至錢塘與續曾俱不屈死

靜志居詩話白衣衛居吳興別鮮山爲晉沈禎沈聘
避地所居有渡曰息賢遂以名其堂其論詩云詩以
達情體不必相蒙而其爲至則一也學者各盡其
前諸家不必相蒙而其爲至則一也學者各盡其
塗徑而出入之愈深見其畛域愈廣怒睢澑伏於其
際者久之乃始得其漭瀼之樂故涉獵眾家不若專
致於一家一家之趣既竭而後馳而去之再適一家不若專
之於懷發之詠歎以爲合於作不能自己之旨此則余
之所自道已故其中年專學子美末年專學太白惜

乎未見其止也

慷慨歌

猛虎不處卑勢勁鷹不立垂枝豪傑徒步言歸恥就鄉里小兒

初住苕溪與鄰叟山行過張醉別廬置酒

苕溪勝剗涇鳥鳴春復幽草生明月峽花滿銅峴洲相移鹿門侶結廬卧崑邱清晨出郭門卻披紫綺裘杖者四五人與我同遨遊遂酌張野叟登其池上樓天目雲外秀笠澤天邊流暮雨向之來窗竹颯鳴秋頽然不知返行樂何悠悠

湘湖遊眺

渺然湘湖裏西望富春山雲景鮮且秀彩翠雙眉彎迴潭下

石蟹層谿接涇湲村村攢雲樹處處眠白鷗遙見隱居者臨流採芳蘭願言訪丹術餘光駐頽顏谷口弄明月棹歌不能還

韓子遠棗駒行

當今馬癖最有誰苦心只數韓公子昔買驅駒寵且矜今得棗駒狂欲死腹旋點點汗斑斑毛比桃花色更鮮牽來吳王鬪雞道騎出孫楚酒樓前頭絡繆題傾城見蹠高玉盤傍人羨撇眼驚塵靉靆飛不讓蘭池追紫燕公子豪邁眞風流胸中曠達那用愁青溪小姑春可惜白社支郎曉更留聞君更有飛龍影亦是龍種聲價適何當與君並轡起馳驅峻坂風颶颶長鋤突羽隨手抹南山射虎同悠悠

答故人問

尺書遙借問我家
苔盡裏朝見弁山青暮見弁山紫

錢栴

一首

栴字彥林嘉善人崇禎癸酉順天鄉試舉人福王立

以薦除兵部主事進郎中坐事死于市有白門集

檇李詩繫彥林隨父官津海淇南及歸築園圃巡外
延賓客內貽聲伎以及法書名畫尊彝帷帳之屬充
物其中然素無橐中金多棄產以給其天性然也甲
申後陳臥子薦拔職方郎中奉勅視江浙城守遷里
而南都潰避迹村鴟丁亥松督變作捕卧子不得傳
匿彥林所亦被逮其婿夏完淳又以閩疏事發語多
連及遂同日死於市其妻徐孺人亦赴水死

悼友

身後方知吾道尊悼君原不望君存三江自合流忠性五嶽

還能勒鉅言國破早應摧獨木巢傾尙恐覆芳蕪暮潮聊爲增千尺添瀉東南土淚痕

楊廷樞

一首

廷樞字維斗吳人崇禎庚午舉人王時授翰林院檢討兼兵科給事中避居石沚山陽被執死於市有

古柏軒集

都志居詩話先生倡應社於吳中評博五經文字張溥天如朱魄雲子主易楊彝子常顧夢麟麟士主詩周鉉簡臣周鍾介生主春秋張采受先王啟榮惠常主禮記而先生與嘉善錢栴彥林主書後與復社幾社合領解之後聲譽日重門下著錄者二千人詩雖游好然如吉光孔翠片羽皆足爲珍重且勝於服習竟陵派者多矣晚歲巖居忽罹難繫其舟中遺書云廷樞幼讀聖賢之書長懷忠孝之志爲孝廉者一十五載生世間者五十三年作士林鄉黨之規模肩綱常名教之重任惜時命之不猶未登朝而食祿值中

原之有難遂蒙禍以捐生其年則丁亥之歲其月則孟夏之中方隱遯於山阿忽陷身於羅網時遭其變命付於天雖突如其來亦已知之久矣生平所學至此方覺快然千古爲昭到底方覺不沒但因報國無能懷志未展終是人臣未竟之事尙孤累朝所受之恩留此血衣以俟異日舟中矢志不能盡言

送辟疆省親禮嶽

美人南國去春煖洞庭波獨以疇依切因之登眺多衣翻堂下彩囊貯郢中歌作賦娛親意茲行快若何

明詩紀事

貴陽陳田輯

附錄

韓上桂

四首

上桂字孟郁番禺人萬曆甲午舉人除易州學正遷
南國子博士厯助教監丞改永平通判遷建甯同知
甲申京師陷悲憤不食死乾隆中 賜謚節愍有朵

雲山房詩文稿十二卷

列朝詩集孟郁少攻駢賦驚才風逸天官兵法王遁
之書無不通曉風儀蕭散悠悠忽忽如山麋野鹿與
之遊處敦篤友誼聚首摩腹蕭如也爲詩賦多倚待
急就方與人縱談大噱呼號飲博探題次韻紙上颶
颶然如蠶之食葉俄而筆騰墨飽斐然可觀顧不能
爲深沈之思爛漫放筆不自顧惜稿或隨手散去常能

問其所就於予予曰孟郁才氣可方吾鄉桑民擇要是萬厯間嶺南第一才子李長蘅歎之以爲知言孟
郁之才長於古詩歌行於今體殊不經意嶺表詩傳錢受之推孟郁爲萬厯間嶺南第一才子其實氣格遠不逮海目蘿翁遠不逮人情而筆墨馳騁亦足動人耳

田按孟郁才華揮灑長篇動輒千言今錄其稍有節制者

古怨

九月秋高天氣涼玉壺迸水更漏長孤燈不翦蘭缸冷新月
斜面翠幌光夜深沈沈望風色銀漢迢迢杳難卽梧桐樹上
怯雙棲菡萏池中羞比翼慘淡鉛華秋復秋婉轉屏幃愁更
愁班姬此日題紵扇衛女當年怨柏舟不堪念此意辛苦願
學秦簫逐鳳遊

京洛行

京洛多貴盛子弟盡輕豪干金裝寶劍八綵織弓峩依倚父兄勢傳誇禁闈高一門三繡節兩族九旌旄抗體尙書省平交左右曹家滿珊瑚樹燈殘鸞鳳膏玉梁施翡翠寶杓酌葡萄分曹賭一擲梟勝奪珠袍酒酣發巨鐘絲管競明嘈侍女展朱唇纖聲遏雲璈狂來驅賜馬郤走南山舉便欲揚鞭去因之赴臨洮聖代勤征伐吾家舊有勞

七夕後一日望月姬渡海戲贈

寶月輝銀漢瑤華麗綺筵歌從鸞管合舞逐綵雲翩小笑渾生豔迴眸盡可憐偶來依洛浦人道水中仙

望羅浮

東望羅浮四百峯峯鬱削青芙蓉崖欹轉覺白日礙洞古

况有陰雲封瀑布銀河紛錯落玉書金簡光玲瓏師雄夢後
有何見春去梅花不易逢

林說 一首

說字傅公莆田人崇禎壬午舉人國變後絕粒死有
寸草堂集

蘭陔詩話傅公詩清勁拔俗不沿時調甲申後走入
深山餓死清風亮節可以遠希西山近比疊山

偶成

四方耕稼地處士歎無田貧省輸官稅荒添糴穀錢療饑資
木石卻老學安禪歲歲肌膚減齒牙幸尙全

文震亨

五首

震亨字啟美長洲人大學士震孟弟貢生官武英殿

中書舍人國變後投水死乾隆中 賜謚節愍有金

門集一葉稿

列朝詩集啟美待詔之曾孫閭學文起之弟也風姿

韻秀詩畫成有家風爲中書舍人給事武英殿先帝

製頌環二千張命啟美爲之名又令監造御屏圖九

邊阨塞皆有賞賚

靜志居詩話啟美相君介弟名圭黨人之籍王尙書
覺斯有言湛持憂讒畏餓而啟美浮沈金馬吟詠猶
徇世無嫉者由其處世固有道焉

題張平仲五鹿山房圖

樓臺幻出擬仙都遠水蒹葭在有無縱許輕舟懸畫鷁甯容
歸棹飽江艤孤裘漫自思公子庭苑今看屬大夫解道關門
明月冷蒼茫紫氣未全孤

秣陵竹枝詞

據床開印翠微間朝請全稀退食便呵殿也堪成韻致此中
官府亦神仙

尚食宮監住直廬退閒丞相府中居貂璫一樣中常侍三日
湖頭打飯魚留都中貴居胡惟庸故府每歲於玄武湖中敕
賜打魚三日名飯魚
同姓編氓異姓侯上公出不避行駟諸曹未識勳臣貲每到
朝陵歷上頭

秦淮冬盡不堪觀桃葉官舟閣淺灘一夜渡頭春水到家家
重漆赤欄杆

張秉純

一首

秉純字不二含山諸生弘光乙酉南都破絕粒不食

死

田按不二舍山諸生弘光乙酉聞變作絕命辭不食而死戴敬夫和其辭云先生影未出青山如此從容一死難新史不勞高士傳殘詩留著野人看嵯峨千巖首陽山欲往從之道路難鈔得漢書窮勝傳南風危坐把兒看賊臣囁笑鄒江山最快陳東罵死難今日相從游地下神州沈墮有誰看

絕命辭

逢人遇說宋文山樓上三年坐卧難我本布衣餓不死西山無面復相看

許士楷

一首

士楷字節齋句容人諸生

金陵詩徵節齋明亡七日不食死

述志

惆悵虞淵黯夕暉新亭風景淚霑衣桃源不是無舟到恥向

春山飽蕨薇

李之椿

〔首〕

之椿字大生如皋人天啟壬戌進士除行人遷吏部
主事福王立起尙寶司卿督糧浙東順治中被收死
南京獄中有覆起樓集

五山者舊集大生解官自浙東歸而難作以藏故明
勅印未繳論流順治六年詔旨勝國初亡人人有
故主之心况居官食祿者乎凡順治五年以前犯者
勿作叛論罪既雪卽擔簦入武夷山後中醫語熱之
石城獄中遂絕粒勺水不入口積十四日而死
明詩綜朱雲子云徂徠五律工秀起句尤用意如春
曉淨江天青山入畫船家家楊柳青車馬不曾停真
不減斯人風致

馬墀游招飲北山

繫艇登危閣諸天杯酒間孤雲偏入塔亂水不藏山謂語隨

花下嬌歌帶雨還
往來何事急輸卻老僧問

項禹揆

一首

禹揆字子昆秀水人諸生與李之椿同死

落花

一番風信客心驚
怨粉愁紅迭送迎
香篆三更雞舌冷
錦泥十里馬蹏輕
夢回故國無知己
流落天涯不問名
最是芳顏憐易改
難將綠樓繫長生

黃周星

四首

周星

登科錄作姓周名星

後復姓黃字九煙上元人崇禎庚辰

進士除戶部主事有夏爲堂芻狗齋集

靜志居詩話九煙晚變名曰黃人字曰略似又號圃菴又曰汰沃主人又曰笑蒼道人布衣素冠寒暑不

易入有一言不合柳嫵屬嘗賦詩云高山流水詩千
軸明月秋風酒一船借問阿誰堪作伴美人才子與
神仙年七十忽感愴於懷仰天歎曰嬉而今不可以
死乎自撰墓志作解脫吟十二章與妻李訣取酒縱
飲盡一斗大醉自沈於水時五月五日也
瞿源洙集當已未庚申間羅天下才儕殆盡而
闢西李中孚陽曲傳青主甯都魏冰叔三人獨超然
違引乃黃先生以死殉之或疑其過激此非篤論也
夫偃息柴桑者易棲遲王官者難爲吳越之江東生
易爲荆南之前進士難而況四海同風託迹無所諱
方可以巢穴解免而冀勝必至絕食何點可以齊書
笑侮而袁易之爲義士不終泉羽思肖諸人所以能
匿迹潛形虯山先生所以對小女子而決然自奮也
雖然劉先生所處較難於三人而節亦倍烈矣
卓爾堪逸民詩選九煙性孤介寡言笑少年多著伯
從長沙過洞庭夜半爲劇盜所掠盡取舟中圖籍投
從矛鏑叢中搜得一集輯之以行復爲盜所掠今所
存者鼎革以後所作頃近於驥素懷靈均之志終投
水死一田按九煙長歌真氣噴薄而出微嫌拉雜近體似无
自見風節

得陶仲調書卻寄

陶生今不死吾道尚嶠峋
天地留松柏庖厨赦鳳麟
十年書到喜再世夢回真歌涕知何日
東籬歲月新

江館歲暮二首

鸞鸞誰能遺冥冥自可飛
蟄龍原不死野鷁竟何依
抱膝春風老埋頭夜雪饑
儘教萊婦笑還似著麻衣

歲月泥犁底生涯羅刹中無人堪
說鬼有事只書空拍岸驚濤白
開門返照紅怪來茅屋破日曛
西風

觀凌歛臺故址

霸業文明總寂寥夕陽荒草弔凌歛若教頑石能言語便與
從頭話六朝